



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

MOPHATO 12

SETSWANA PUO YA GAE (HL)

PAMPIRI YA BORARO (P3)

TLHAKOLE/MOPITLWE 2014

MEMORANTAMO

MADUO: 100

Memorantamo o, o na le ditsebe di le 17.

KAROLO YA A: TLHAMO**POTSO 1****MEFUTA YA DITLHAMO****1.1 Tlhamo ya thanolo**

Tlhamo ya mofuta o, e tlhagisa dikakanyo kgotsa tshedimosetso ka tlhomamo. Mo mofuteng o wa tlhamo, motlhatlhojwa o tshwanetse go tlhalosa dikakanyo kgotsa dintlha ka tatelano.

Sekao sa setlhogo: Go ipelaetsa ga barutabana ka nako ya dithuto.

Dintlha tse di latelang di tshwanetse go elwa tlhoko fa go tshwaiwa tlhamo ya thanolo.

- Setlhogo se tshwanetse go tlhologanngwa sentle.
- Go botlhokwa gore se motlhatlhojwa a se buang kgotsa a se tlhagisang se tshegediwe ka dintlha.
- Motlhatlhojwa o ka tlhalosa bokao jo bo sa tlwaelegang gore mmuisi a tlhologanye setlhogo le fa e le gore ga a na kitso e e tebileng.
- Dikakanyo di rulagane, di lolame mme di neye tlhaloso go simolola ka tse di itsegeng go ya ka tse di sa itsegeng.
- Tlhamo ya mofuta o, e kwalwe ka pakajaanong.

[50]**1.2 Tlhamo ya tlhaloso**

Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: Aforikaborwa, sentlhaga sa diritibatsi.

Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:

- Motlhatlhojwa o tshwanetse go bopa setshwantsho ka mafoko a a filweng.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo, kutlo go tlhalosa mofuta o wa tlhamo sentle.
- Puo ya botshwantshi e dirisiwe ka boitshimololeli.
- Motlhatlhojwa a bontshe fa a na le maitemogelo mo setlhogong se.

[50]

1.3 Tlhamo ya ngangisano

Mo tlhamong e, motlhatlhojwa o tlhagisa kakanyo, ntlhakemo mme a nganga ka maitlhommo a go dibela kemo ya gagwe.

Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tlhagisa letlhakore le le lengwe mme motlhatlhojwa a leke go pateletsa mmuisi go leba ditiragalo ka leitlho la gagwe.

Sekao sa setlhogo: Tirogae mo dikolong e tshwanetse go fedisiwa. Dumela kgotsa o ganetse tlhagiso e.

Dintlha tse di latelang di tshwanetse go elwa tlhoko fa go tshwaiwa tlhamo ya ngangisano:

- Motlhatlhojwa a simolole ka go tlhagisa ntlhakemo ya gagwe go bontsha boitshimolole.
- A neye mefutafuta ya dingangisano go tshegetsa ntlhakemo ya gagwe mme a tlhalose se.
- Tlhamo e tlhagisa letlhakore le le lengwe mme dikakanyo di tlhagisiwa ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tirisopuo.
- Puo e dirisiwe ka maikutlo mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tlhologanyegang mme e pateletse mmuisi go dumelana le tse di tlhagisitsweng. Tlhamo ya mofuta o, e kwalwe ka pakajaanong.

[50]**1.4 Tlhamo ya maitlhommo**

Mo mofuteng o wa tlhamo motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditiro kgotsa se a eletsang go se fitlhelela mo botshelong jwa gagwe, mme a kwale maitlhommo a gagwe.

Sekao sa setlhogo: Fa nka nna moeteledipele wa mokgatlho wa barutabana ...

Dintlha tse di latelang di tshwanetse go elwa tlhoko fa go tshwaiwa tlhamo ya maitlhommo:

- Tlhamo ya maitlhommo e tseye letlhakore.
- Maikutlo a nne le seabe sa botlhokwa.
- Karolo e kgolo mo tlhamong e ka tlhalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/megopolo/maikutlo di tshwanetse go senola boammaaruri le maitemogelo.

[50]

1.5 Tlhamo ya tlhaloso

Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: Modiri o a lebala, modirwa ga a lebale.

Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:

- Motlhatlhojwa o tshwanetse go bopa setshwantsho ka mafoko a a filweng.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo, kutlo go tlhalosa mofuta o wa tlhamo sentle.
- Puo ya botshwantshi e dirisiwe ka boitshimololeli.
- Motlhatlhojwa a bontshe fa a na le maitemogelo mo setlhogong se.

[50]**1.6 Tlhamo ya kanelo**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: Ruri lefatshe le senyegile.

Dintlha tse di latelang di tshwanetse go elwa tlhoko fa go tshwaiwa tlhamo ya kanelo.

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe.
- Go tshwanetswe ga elwa tlhoko gore mofuta o wa tlhamo o a tlhalosa.

[50]

1.7 Tlhamo ya kanelo

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: Leba setshwantsho.

Dintlha tse di latelang di tshwanetse go elwa tlhoko fa go tshwaiwa tlhamo ya kanelo.

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe.
- Go tshwanetswe ga elwa tlhoko gore mofuta o wa tlhamo o a tlhalosa.

Tlhamo ya maitlhamo

Mo mofuteng o wa tlhamo motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

Sekao sa setlhogo: Leba setshwantsho.

Dintlha tse di latelang di tshwanetse go elwa tlhoko fa go tshwaiwa tlhamo ya maitlhamo:

- Tlhamo ya maitlhamo e tseye letlhakore.
- Maikutlo a tseye karolo e e botlhokwa.
- Karolo e kgolo mo tlhamong e ka tlhalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/megopolo/maikutlo di tshwanetse go senola boammaaruri le maitemogelo.

[50]

1.8 Tlhamo ya kanelo

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: Leba setshwantsho.

Dintlha tse di latelang di tshwanetse go elwa tlhoko fa go tshwaiwa tlhamo ya kanelo.

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe.
- Go tshwanetswe ga elwa tlhoko gore mofuta o wa tlhamo o a tlhalosa.

Tlhamo ya maitlhamo

Mo mofuteng o wa tlhamo motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

Sekao sa setlhogo: Leba setshwantsho.

Dintlha tse di latelang di tshwanetse go elwa tlhoko fa go tshwaiwa tlhamo ya maitlhamo:

- Tlhamo ya maitlhamo e tseye letlhakore.
- Maikutlo a tseye karolo e e botlhokwa.
- Karolo e kgolo mo tlhamong e ka tlhalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/megopolo/maikutlo di tshwanetse go senola boammaaruri le maitemogelo.

[50]**PALOGOTLHE YA KAROLO YA A:****50**

KAROLO YA B: DITLHANGWA TSE DILEELE TSA TIRISANO**POTSO 2****2.1 LEKWALO LA SEMMUSO**

Lekwalo la semmuso ke le le kwalelwang setheo sengwe se se rileng. Motlhatlhojwa o kopa maitshwarelo, ka se a se boneng se diragala ka maitsholo a barutwana kwa motantshong.

Dintlha tse di tshwanetseng go elwa tlhoko:

- Lekwalo le, le lekhutshwane, ka lona motlhatlhojwa o kopa maitshwarelo mo go Molaodimogolo wa lefelo la motantsho le go tlhagisa maikaelelo a go siamisa.
- Go se ka ga nna le diphoso tsa mofuta ofe mo lekwalong le.
- Motlhatlhojwa a neelane ka tshedimosetso ya maitsholo, lefelo, letlha le nako go kgontsha molaodimogolo go itse gore o kopa maitshwarelo a tiragalo efe.
- A kwale dinomoro tsa megala kwa o ka fithelelwang gona go neelana ka tshedimosetso e e ka tlhokegang.
- Motlhatlhojwa a kwale diaterese di le pedi, ya gagwe le ya motho yo a mo kwalelang.

[30]**2.2 ATHIKELE**

Athikele ke dintlha tsa ngongorego tse di ka tlhagisiwang mo lokwalodikgannyeng. Di lopa thuso kana tshedimosetso/tsiboso e e rileng.

Dintlha tse di tshwanetseng go elwa tlhoko:

- Athikele e tshwanetse go tthamalalela kwa dintlheng tse di maleba tse mo go tsona motlhatlhojwa a supang kemokgatlanong ya gagwe mabapi le go sa tlotle barutabana.
- Motlhatlhojwa a tlhagise gore e kwalelwa mang.
- E kwalwa ke mang.
- Setlhogo se tlhagisiwe.
- Mo bokhutlong motlhatlhojwa a tlhagise fa karabo e solofetswe.

[30]

2.3 DIPOTSOTHERISANO

Dipotsotherisano ke kopano e e rulaganeng e mo go yona go nang le yo o bodiwang dipotso go fitlhelela tshedimosetso ka ga sengwe se se rileng. Ke mokgwa o o dirisiwang gantsi mo ditheong fa go thapiwa modiri jaanong a tlhopiwa mo gare ga ba le mmalwa.

Dintlha tse di tshwanetseng go elwa tlhoko:

- Dipotsotherisano di kwalwa ka mokgwa wa mmuisano o moterama a kwalang ka ona.
- Go nna dibui di le pedi kgotsa go feta.
- Go nna le setlhogo se go buisanwang ka sona kgotsa dipotso tse mothapi a di botsang mokopatiro.
- Dipolelo tsa dibui di nne dikhutshwane.
- Diteng di supe boitlhamedi, kelelo ya dintlha le go tsamaelana ga ditiragalo.
- Maina a dibui a tlhagelele sentle.
- Matseno, mmele le bokhutlo di dirisiwe sentle. Kgang e bontshe tshimologo, setlhoa le tharabololo.
- Puo le moonoo di tsamaelane le ditiragalo.
- Puo e nne e e tlhamaletseng kgotsa e e loileng go tsamaelana le se se buiwang.
- Matshwao a puiso a tsamaelane le puisano.

[30]**2.4 PEGELO**

Pegelo e kwalelwa setheo se se rileng, motlhatlhojwa o neelana ka diphitlhelo le dikatlanegiso tsa se a neng a laetswe go se dira.

Dintlha tse di tshwanetseng go elwa tlhoko:

- Leina la mokgatlho, moromedi le moamogedi di tlhagisiwe.
- Setlhogo sa pegelo se bolele ka botlalo gore go begwa ka ga eng.
- E kwalwa ka pakapheti.
- Mo pegelong motlhatlhojwa o bega ka dipuisano le ditshwetso tse di tshotsweng kwa khonferenseng e e neng e le ka ga tirisano ya diritibatsi.
- Motlhatlhojwa a neelane ka diphitlhelelo tse di tlhagisitsweng kwa khonferenseng.
- Motlhatlhojwa a neelane ka dikatlanegiso tsa gore go ka dirwang go fedisa tirisobotlhaswa ya diritibatsi.
- Motlhatlhojwa a saene, a supe tiro kgotsa maemo a gagwe le letlha le a kwadileng pegelo ka lona.

[30]**PALOGOTLHE YA KAROLO YA B: 30**

KAROLO YA C: DITLHANGWA TSE DIKHUTSHWANE TSA TIRISANO**POTSO 3****3.1 BUKATSATSI**

Bukatsatsi ke mo mokwadi a kwalang ka maikutlo, dikakanyo le maitemogelo a gagwe.

Dintlha tse di tshwanetseng go elwa tlhoko:

- Mokwadi a ka neela lekwalo la gagwe leina le a le ratang.
- Letsatsi le letlha le a kwalang dikgang ka lona le kwadilwe.
- Mafoko a motho wa ntlha a dirisitswe.
- Dikgang di mo pakajaanong kwa ntle ga tse di setseng di diragetse.
- Dipolelonolo le ditemana tse dikhutshwane di dirisitswe.
- Puo e e dirisiwang ke e e tletseng maikutlo.

[20]**3.2 DITAELO**

Ditaelo di tlhagisitswe ka dintlha e seng temana.

Ditaelo ke tshedimosetso ya botlhokwa e e tlhagisiwang pele go diragadiwa kana go diriwa tiro nngwe e e rileng. Ditaelo di tlhagisa tshedimosetso mabapi le se se diriwang gore se diriwe leng, kae, jang.

Dintlha tse di tshwanetseng go elwa tlhoko:

- Neela dintlha tsa tshedimosetso tse di tlhokegang.
- Tlhagisa ka botlalo se se tshwanetseng go dirwa.
- Tlhagisa mokgwa o tiro e e laelwang e tshwanetseng go dirwa ka ona.
- Dipolelo tsa gago e nne tse dikhutshwane tse di gakologelwang bonolo.
- Puo e nne e e bonolo e e tlhaloganyesegang.
- Ditaelo di tlhagisiwe ka dintlha e seng temana.
- Ditaelo di se ke tsa nna dintsi thata tsa tloga tsa feta le tiro e e diriwang.

[20]**3.3 POSEKARATA**

Posekarata ke karata e re romelang molaetsa ka yona ka poso mme go sa dirisiwe enfelopo.

Dintlha tse di tshwanetseng go elwa tlhoko:

- Dikgang ke tsa botsalano e bile di dikhutshwane.
- Ke tlhaeletsano e batho ba e dirisang fa ba le mo malatsing a boikhutso kgotsa ba etetse dinaga disele.
- Phatlha ya go kwalela e nnye ka jalo go batlega dintlha tsa botlhokwa le tse di maleba.
- Letlha le lefelo di tlhagisiwe.
- Puo e e dirisiwang e ikaegile ka botsalano jwa mokwadi le baamogedi.

[20]

PALOGOTLHE YA KAROLO YA C: 20
PALOGOTLHE: 100

KAEDI YA GO TSHWAYA**KAROLO YA A: TLHAMO****POTSO 1****MEFUTA E E FAROLOGANENG YA DITLHAMO.**

Diteng	(30)
Kagego	(15)
Puo le setaele	(05)
	[50]

PALOGOTLHE YA KAROLO YA A: 50

KAROLO YA B: DITLHANGWA TSE DILEELE TSA TIRISANO**POTSO 2****2.1 LEKWALO LA SEMMUSO****Kagego**

Diaterese tse pedi	(02)
Setlhogo	(01)
Bokhutlo	(02)
Diteng	(13)
Puo	(12)
	[30]

2.2 ATHIKELE

Diteng (ngongorego/tshedimosetso/tsiboso)	(13)
Puo	(12)
Baamogedi ba tsiboso/ngongorego/tshedimosetso	(01)
Mokwadi wa athikele	(02)
Tlhagiso ya go solofela karabo	(02)
	[30]

2.3 DIPOTSOTHERISANO**Matseno (4)**

Matseno a a maleba, a a kgatlhisang.	(3-4)
Matseno a a bokoa, a sa kgatlhise.	(1-2)

Diteng (14)

Tse di maleba tse di kgatlhisang, e bile di itlhametswe sentle.	(12-14)
Tse di kgatlhisang, di itlhametswe.	(8-11)
Tse di magareng, di itlhametswe	(5-7)
Tse di bokoa, di se maleba	(3-4)
Tse di fosagetseng, gotlhelele.	(1-2)

Puo (8)

Puo e e molodi, e rulagantswe sentle.	(6-8)
Puo e e magareng, diphoso fa le fale.	(4-6)
Puo e e bokoa, e tletse diphoso.	(1-3)

Bokhutlo (4)

Bokhutlo bo bo maleba, bo bo kgatlhisang.	(2-4)
Bokhutlo bo bo bokoa, bo sa kgatlhise.	(01)
	[30]

2.4 **PEGELO**

Leina la mokgatlho	(3)
Leina la moromedi	(3)
Leina la moamogedi	(3)
Setlhogo	(3)
Pegelo	(8)
Puo	(4)
Tshaeno/Motseketletso/Peo-monwana.	(3)
Letlha	(3)
	[30]

PALOGOTLHE YA KAROLO YA B: 30

KAROLO YA C: DITLHANGWA TSE DIKHUTSHWANE TSA TIRISANO**POTSO 3****3.1 BUKATSATSI**

Diteng – Malatsi a le marataro	(6 x 2)	(12)
Kagego		(4)
Puo		(4)
		[20]

3.2 DITAELO

Dintlha tsa tshedimosetso tse di tlhokegang		(4)
Tlhagisa se se tshwanetseng go dirwa ka botlalo		(4)
Tlhagisa mokgwa o tiro e e laelwang e tshwanetseng go dirwa ka ona.		(4)
Dipolelo e nne tse dikhutshwane tse di tshwarelelwang le go gakologelwa bonolo		(2)
Puo e nne e e bonolo e e tlhaloganyegang		(4)
Ditaelo di tlhagisiwe ka dintlha e seng temana		(2)
		[20]

3.3 POSEKARATA

Aterese		(02)
Matseno/Ditumediso		(01)
Bokhutlo		(02)
Diteng		(08)
Puo		(07)
		[20]

PALOGOTLHE YA KAROLO YA C: 20
PALOGOTLHE: 100

KAROLO YA A: RUBORIKI YA TSHEKATSHEKO YA GO TSHWAYA TLHAMO

	Khoutu: 7 Phitlhelelo ka dinaledi	Khoutu: 6 Phitlhelelo ka matsetseleko	Khoutu: 5 Phitlhelelo e e tletseng	Khoutu: 4 Phitlhelelo e e itumedisang	Khoutu: 3 Phitlhelelo ka tekano	Khoutu: 2 Phitlhelelo e e tlhaelang	Khoutu: 1 Ga a fitlhelela
	80–100% 24–30	70–79% 21–23½	60–69% 18–20½	50–59% 15–17½	40–49% 12–14½	30–39% 9–11½	0–29% 0–8½
DITENG LE IPAAKANYO (MADUO 30)	-Diteng di matsetseleko le boithlamedi jo bo kwa godimo. -Dikgopolo tse di tsibosang e bile di bontsha kgolo. -Ipaakanyo/maiteko a ntlha a tlhagisa tlhamo e e se nang diphoso e bile e kgathlisa.	-Diteng di supa boithlamedi. -Dikgopolo di na le boikakanyetso e bile di a kgathlisa. -Ipaakanyo/maiteko a ntlha a tlhagisa tlhamo e e bontshang kitso le go kgathlisa.	-Diteng di maleba e bile di na le kgolagano e e rileng/isehang. -Dikgopolo di a kgathlisa le go usa pelo. -Ipaakanyo/maiteko a ntlha a tlhagisa tlhamo e e ntle e e kgathlisang.	-Diteng di maleba e bile di tshwaragane sentle di a kgathlisa e bile di ithametswe sentle. -Ipaakanyo/maiteko a ntlha a tlhagisa tlhamo e e kgotsofatsang e bile e kgathlisa.	-Diteng di magareng, tlwaelegile. -Go na le diphatlha tsa kamano. -Dikgopolo di maleba. -Boithlamedi jo bo rileng. -Ipaakanyo/maiteko a ntlha a tlhagisa tlhamo e e lekaneng, e e kgathlisang le go lomagana.	-Diteng go le gantsi ga di tlhaloganyege. -Ga go kgolagano ya dintlha. -Dikgopolo tse di mmalwa e bile di boeleditswe. -Go sa lekanelang ga maemo a puo ya gae ntle le maiteko a ntlha. -Tlhamo ga e a tlhagisiwa sentle.	-Diteng ga di maleba gotlhelele. -Ga go kamano. -Dikgopolo di gasagane le go boelediwa. -Ipaakanyo/maiteko a ntlha a tlhagisa tlhamo e e sa lekanelang. -Tlhamo e e bokoa.
PUO, SETAELE LE TSEREGANYO (MADUO 15)	12–15 -Puo le matshwao a puiso di dirisitswe ka tolamo. -Tiriso e e kgodisang ya dikapuo.	10½–11½ -Puo le matshwao a puiso di lolame. -Tlhopho ya mafoko e siametse temana. -Setaele, segalo le rejisetara di maleba le setlhogo. -Bogolo ga go diphoso ka ntlha ya go buisa gape le go siamisa.	9–10 -Go na le bosupi jwa tirisopuo e e usang pelo. -Puo le matshwao a puiso di nepagetse. -Tlhopho ya mafoko e siametse temana. -Setaele, segalo le rejisetara di siametse setlhogo. -Go le gantsi ga go na diphoso go ya ka go buisa gape le go siamisa.	7½–8½ -Kitso e e rileng ya kgatelelo ya puo. -Puo e e botlhofo, matshwao a puiso a lekanetse. -Tlhopho ya mafoko e e lekaneng. -Setaele, segalo rejisetara di tsamaelana le ditlhokego tsa setlhogo. -Go sa ntse go na le diphoso tse di mmalwa.	6–7 -Puo e e mo magareng, matshwao a puiso ga a dirisiwa ka nepo, fa gongwe a fosagetse. -Tlhopho ya mafoko e e sa reng sepe. -Setaele, segalo, rejisetara di tlhoka kgolagano. -Go na le diphoso.	4½–5½ -Go na le diphoso tsa puo le matshwao a puiso. -Tlhopho ya mafoko a mannye. -Setaele, segalo, rejisetara ga di a lekanela. -Go diphoso.	0–4 -Puo le matshwao a puiso di fosagetse gotlhelele. -Tlhopho ya mafoko ga e a lekanela. -Setaele, segalo le rejisetara di fosagetse gotlhelele.

	4–5	3½	3	2½	2	1½	0–1
KAGEGO (MADUO 5)	-Go ikamanya gotlhelele le setlhogo. -Diteng di maleba tota. -Dipolelo, ditemana di tlhamilwe ka tsela e e kgodisang. -Boleele bo maleba le ditlhokego tsa tlhamo.	-Go ikamanya thata le setlhogo. -Dipolelo le ditemana di tlhamilwe sentle. -Boleele ke jo bo lekaneng.	-Go ikamanya le setlhogo go go rileng. -Dipolelo le ditemana di tshwaragane sentle. -Boleele jo bo lekaneng.	-Dintlha dingwe tse di tlhokegang di tlhagisitswe. -Dipolelo le ditemana di fosagetse mme tlhamo e na le tlhaloganyo. -Boleele ke jo bo lekaneng.	-Bontsi jwa dintlha bo tlhagisitswe. -Dipolelo, ditemana di ka ne di fosagetse fela tlhamo e na le tlhaloganyo. -Boleele ke jo bo lekaneng.	-Go tswa mo setlhogong ka dinako dingwe mme o sa kgone go tlhatlhamanya dikakanyo, dipolelo le ditemana. -Boleele – tlhamo e telele/khutshwane thata.	-Go tswa mo setlhogong gotlhelele. -Dipolelo le ditemana di tlhakatlhakane. -Ga go na tatelano. -Boleele – tlhamo e telele/khutshwane thata.

KAROLO YA B: RUBORIKI YA GO TSHWAYA DIKWALO TSE DILEELE TSA TIRISANO (30)

	Khoutu 7: Phitlhelelo ka dinaledi	Khoutu 6: Phitlhelelo ka matsetseleko	Khoutu 5: Phitlhelelo e e tletseng	Khoutu 4: Phitlhelelo e e itumedisang	Khoutu 3: Phitlhelelo ka tekano	Khoutu 2: Phitlhelelo e e tlhaelang	Khoutu 1: Ga a fitlhelela
	80–100% 14½–18	70–79% 13–14	60–69% 11–12½	50–59% 9–10½	40–49% 7½–8½	30–39% 5½–7	0–29% 0–5
DITENG, TOMAGANO LE POPEGO (MADUO 18)	-Kitso e e manontlhotlho ya ditlhokego tsa setlhangwa. -Kwalo e e kwa godimo a sa fapoge setlhogo gotlhelele. -Ikamanyo e e matseseleko le diteng tse di tshegetsang setlhogo. -Kagego e e nepagetseng gotlhelele.	-Kitso e e kwa godimo ya ditlhokego tsa setlhangwa. -Kwalo e e kwa godimo a sa fapoge setlhogo. -Melao ya kwalo ya setlhangwa e dirisitswe ka botlalo.	-Kitso e e mo magareng ya setlhangwa. -Kwalo e e maleba a fapogile go se nene. -Bogolo go na le ikamanyo le diteng le dintlha tse di tshegetsang setlhogo. -Tiriso e e tletseng ya melao ya sebopego se se tlhokegang.	-Kitso e e itekanetseng ya ditlhokego tsa setlhangwa. -Kwalo e e itumedisang ya diteng le dikakanyo di tshegetsang setlhogo.	-Kitso e e lekaneng ya ditlhokego tsa setlhangwa. -Kwalo e e itumedisang ya diteng le dikakanyo di tshegetsang setlhogo.	-Kitso e e potlana ya ditlhokego tsa setlhangwa. -Kwalo e e potlana e e seng maleba ya diteng le dikakanyo di tshegetsang setlhogo. -Tiriso e e potlana, e e fosagetseng ya melao ya sebopego se se tlhokegang.	-Go tlhoka kitso ya ditlhokego tsa setlhangwa. -Ga go na tomagano ya diteng le dikakanyo. -Dintlha tse dinnye tse di tshegetsang setlhogo. -Ga go na tiriso ya melao ya sebopego se se tlhokegang.
PUO, SETAELE LE TSELEGANYO (MADUO 12)	-Tirisopuo e e nepagetseng e le matlthagathaga. - Tlotlofoko e e kwa godimo e le maleba go tebo, babogedi le bokao. -Tlhokego ya diphoso morago ga puiso le go tseleganya. -Boleele jo bo maleba.	-E tlhamegile bontle ka nepagalo. -Tlotlofoko e e maleba go tebo, babogedi le bokao. -Bogolo go se na diphoso tse dintsi morago ga puiso le go tseleganya. -Boleele jo bo maleba.	-E tlhamegile le go buisega bonolo. -Tlotlofoko e e maleba go tebo, babogedi le bokao. -Setaele, segalo, rejisetara e e maleba. Go se diphoso tse dikalo morago ga puiso le go tseleganya. -Boleele jo bo maleba.	-Popego e e lekaneng. -Diphoso ga di kgoreletse kelelo. -Tlotlofoko e e lekaneng tebo, babogedi le bokao. -Diphoso tse di mmalwa morago ga puiso le go tseleganya. -Boleele jo bo batlileng bo itekanela.	-O lekile popego, e na le diphoso tse dinnye. -Puo ga e ntsi e bile ga e a dirisetswa tebo, babogedi mmogo le bokao jwa potso. -Boleele jo bo feteletseng kgotsa jo bokhutshwane thata.	-Kagego ga e maleba e bile go boima go bona kelelo. -Tlotlofoko e tlhoka go phekolwa e bile ga e tsamaelane le tebo, babogedi le bokao. -Setaele, segalo le rejisetara ga di maleba gotlhelele. -Boleele jo bo feteletseng kgotsa jo bokhutshwane thata.	-Kagego ga e maleba e bile go boima go bona kelelo. -Tlotlofoko e tlhoka go phekolwa tota e bile ga e tsamaelane le tebo, babogedi le bokao. -Boleele jo bo feteletseng kgotsa jo bokhutshwane go gaisa.

KAROLO YA C: RUBORIKI YA GO TSHWAYA DITLHANGWA TSE DIKHUTSHWANE TSA TIRISANO/TSA TSHUPETSO/ TSHEDIMOSETSO/PONO TSE DI DIRISANG MEKGWA E E FAROLOGANENG YA TLHAELETSANO (20)

	Khoutu 7: Phitlhelelo ka dinaledi	Khoutu 6: Phitlhelelo ka matsetseleko	Khoutu 5: Phitlhelelo e e tletseng	Khoutu 4: Phitlhelelo e e itumedisang	Khoutu 3: Phitlhelelo ka tekano	Khoutu 2: Phitlhelelo e e tlhaelang	Khoutu 1: Ga a fitlhelela
	80–100% 10–12	70–79% 8½–9½	60–69% 7½–8	50–59% 6–7	40–49% 5–5½	30–39% 4–4½	0–29% 0–3½
DITENG, IPAAKANYO LE SEBOPEGO (MADUO 12)	-Kitso e e anameng, e e kgethegileng ya ditlhokego tsa setlhangwa. -Bontsha temogo e e tletseng ya bokao jo bo anameng fa a kwala. -Go kwala go go rupeletsweng, moithuti o tswela go tlhomama, ga a rathe sekgwa. -Nyalelano e e tletseng ya diteng le dikakanyo, ditlhaloso tsa maemo a a kwa godimo di neetswe.	-Kitso e e kgodisang ya ditlhokego tsa setlhangwa. -Bontsha temogo e e anameng ya bokao mo ditlhangweng tse dintsi fa a kwala ditiro. -Go kwala go go rupeletsweng - moithuti o tswela go tlhomama, ga a rathe sekgwa. -Go nyalelano ya diteng le dikakanyo, ditlhaloso di neetswe, mme diteng tsotlhe di tshogetsang setlhogo. -Bosupi jwa ipaakanyo/kgotsa ipaakanyetso ya kwalo ya tlhamo bo tlhagisitse tlhamo e e duleng diatla.	-Kitso e e siameng ya ditlhokego tsa setlhangwa. -Bontsha temogo ka kakaretso ya bokao mo ditlhangweng tse dintsi fa a kwala ditiro. -Go kwala – moithuti o tswela go tlhomama, a sa itemogele dikgoreletsi tse di masisi. -Go le gantsi nyalelano ya diteng le dikakanyo, ditlhaloso di neetswe, mme diteng tse dintsi di tshogetsang setlhogo. -Bopaki jwa ipaakanyo le/kgotsa ipaakanyetso ya kwalo ya tlhamo bo tlhagisitse tlhamo e e kgatlhisang.	-Kitso e e lekaneng ya ditlhokego tsa setlhangwa. -Bontsha temogo nngwe ya bokao mo ditlhangweng tse dintsi fa a kwala ditiro. -Go kwala – moithuti o ratha sekgwa, fela se, ga se kgoreletse maitlhamo a tiro ka kakaretso. -Nyalelano e e itumedisang ya diteng le dikakanyo, diteng dingwe di tshogetsang setlhogo. -Bosupi jwa ipaakanyo le/kgotsa ipaakanyetso ya kwalo ya tlhamo bo tlhagisitse tlhamo e e kgotsofatsang.	-Kitso e e mo magareng ya ditlhokego tsa setlhangwa. -Bontsha tlhalelo e e rileng ya kitso ya bokao mo ditlhangweng fa a kwala ditiro. -Go kwala - moithuti o ratha sekgwa, bokao ga bo tlhagisitse fa gongwe. -Nyalelano e e magareng ya diteng le dikakanyo. Diteng dingwe di tshogetsang setlhogo. -Bosupi jwa ipaakanyo/kgotsa ipaakanyetso ya tlhamo e e lebegang bo tlhagisitse tlhamo ka tekano le nyalelano.	-Kitso e e tlhaelang ya ditlhokego tsa setlhangwa. -Bontsha tlhalelo ya kitso ya bokao mo ditlhangweng fa a kwala ditiro. -Go kwala – moithuti o ratha sekgwa, bokao ga bo tlhagisitse. -Nyalelano ya diteng le dikakanyo. Go le gantsi e a tlhalelo. Diteng tse di mmalwa di tshogetsang setlhogo. -Tiro ga e mo maemong a seleganyo sa Puo e e tlhokegang, le fa tota a ipaakantse.	-Ga go kitso ya ditlhokego tsa setlhangwa. -Bontsha go tlhoka kitso gotlhelele ya bokao mo ditlhangweng fa a kwala ditiro. -Go kwala – moithuti o ratha sekgwa, bokao ga bo tlhagisitse. -Nyalelano ya diteng tse di mmalwa tse di tshogetsang setlhogo. -Ipaakanyo/kwalo e e sa itumedisang ya tlhamo. Tlhagiso e e bokoa ya tlhamo.

	6½–8	6	5½	4–4½	3½	2½–3	0–2
<p>PUO, SETAELE LE BOSUPI JWA PALO (MADUO 8)</p>	<p>-Tlhagiso ya maemo a a kwa godimo ya melao e e maleba ya popego ya sethangwa. -Thutapuo mo sethangweng e nepagetse e bile e agegile ka bontle jo bo gaisang. -Tlotlofoko e e humileng, e le maleba mo maitlhomong, baamogeding le mo bokaong. -Setaele, segalo le tirisopuo di maleba go gaisa. -Sethangwa se lebega se se na diphoso morago ga go buisiwa gape le go tlhotlwa diphoso. -Boleele bo nepagetse.</p>	<p>-Melao e e tlhokegang ya popego ya sethangwa e dirisitswe sentle. -Sethangwa se agilwe bontle, se nepagetse. -Tlotlofoko e maleba tota mo maitlhomong, baamogeding le mo bokaong. -Setaele, segalo le tirisopuo di maleba fa go lebeletse ditlhokego tsa tiro. -Sethangwa ka kakaretso ga se na diphoso morago ga go buisiwa gape le go tlhotlwa diphoso. -Boleele bo nepagetse.</p>	<p>-Melao e e tlhokegang ya popego ya sethangwa e dirisitswe sentle. -Sethangwa se agilwe sentle, se buisega bonolo. -Tlotlofoko e maleba mo maitlhomong, baamogeding le mo bokaong. -Setaele, segalo le tirisopuo go le gantsi di maleba. -Sethangwa go le gantsi ga se na diphoso morago ga go buisiwa gape le go tlhotlwa diphoso. -Boleele bo nepagetse.</p>	<p>-Kakanyo e e itumedisang ya ditlhokego tsa popego ya sethangwa e dirisitswe. -Sethangwa se agilwe ka go itumedisa. Diphoso tse di leng gone ga di kgoreletse kelelo ya dikakanyo. -Tlotlofoko ka tekano mo maitlhomong, baamogeding le mo bokaong. -Setaele, segalo le tirisopuo di siame, di maleba. -Sethangwa se sa ntse se na le diphoso morago ga go buisiwa gape le go tlhotlwa diphoso. -Boleele bo nepagetse.</p>	<p>-Go kakanyo e e lekaneng ya ditlhokego tsa popego ya sethangwa. Sethangwa se agilwe ka ditlhokego fela tse di tlhokegang. Diphoso di mmalwa. -Tlotlofoko e a tlaela e bile ga e maleba mo maitlhomong, baamogeding le mo bokaong. -Tlhaelo ya setaele, segalo le tirisopuo fale le fale. -Sethangwa se na le diphoso tse di mmalwa morago ga go buisiwa gape le go tlhotlwa diphoso. -Boleele jo bo fetang tekano/sethangwa se se khutshwane thata.</p>	<p>-Go tlhaelo ka kakaretso mo tirisong ya melao e e tlhokegang ya popego ya sethangwa. -Sethangwa se agilwe bokoa e bile se thata go se tlhologanya. -Tlotlofoko e tlhokwa go boeletswa, mme ga e maleba mo maitlhomong, baamogeding le mo bokaong. -Sethangwa se na le diphoso tse di thibang letsatsi, le mororo se buisitswe gape le go tlhotlwa diphoso. -Boleele jo bo feteletseng/ sethangwa se se khutshwane.</p>	<p>-Ga go a dirisiwa melao ya popego ya sethangwa. -Sethangwa se agilwe bokoa e bile go thata go se tlhologanya. -Tlotlofoko e tlhoka go boeletswa ka tsenelelo, mme ga e maleba mo maitlhomong, baamogeding. -Sethangwa se diphoso gotlhe tse di thibang letsatsi, e bile se tlhakathakane gotlhe. -Boleele jo bo fetang tekano/sethangwa se se khutshwane thatathata.</p>